

0.0.1 dutiyacetanāsuttam

0. sāvatthiyaṃ

1. yañca bhikkhave, ceteti yañca pakappeti, yañca anuseti, ārammaṇametam hoti viññāṇassa t̥hitiyā. ārammaṇe sati patit̥thā viññāṇassa hoti. tasmim patit̥thite viññāṇe virūlhe āyatim punabbhavābhinibbatti hoti. āyatim punabbhavābhinibbattiyā sati āyatim jāti jarāmarañam sokaparidevadukkhadomanassupāyāsā sambhavanti. evametassa kevalassa dukkhakkhandhassa samudayo hoti.

2. no ce bhikkhave, ceteti, no ceno ca - sī. mu - syā. pakappeti, atha ce anuseti, ārammaṇametam hoti viññāṇassa t̥hitiyā. ārammaṇe sati patit̥thā viññāṇassa hoti. tasmim patit̥thite viññāṇe virūlhe āyatim punabbhavābhinibbatti hoti. āyatim punabbhavābhinibbattiyā sati āyatim jātijarāmarañam sokaparidevadukkhadomanassupāyāsā sambhavanti. evametassa kevalassa dukkhakkhandhassa samudayo hoti.

3. yato ca kho bhikkhave, no ceva ceteti, no ca pakappeti, no ca anuseti, ārammaṇametam na hoti viññāṇassa t̥hitiyā. ārammaṇe asati patit̥thā viññāṇassa na hoti. tadappatit̥thite viññāṇe avirūlhe āyatim punabbhavābhinibbatti na hoti. āyatim punabbhavābhinibbattiyā asati āyatim jātijarāmarañam sokaparideva dukkhadomanassupāyāsā nirujjhanti. evametassa kevalassa dukkhakkhandhassa nirodho hoti'ti.